

四庫全書

史部

欽定四庫全書

史部

建炎雜記甲集卷八  
至

詳校官編修臣范來宗

編修臣程嘉謨覆勘

總校官編修臣王燕緒

校對官助教臣卜維吉

謄錄監生臣魏淳曜

欽定四庫全書

建炎雜記甲集卷六

宋 李心傳 撰

朝事二

道學興廢

自熙寧元豐年間河南二程先生始以道學為天下倡  
二先生少學於汝南周茂叔其後學者翕然宗之二先  
生死其高弟門人前有河南朱公挾劉質夫李端伯京

兆呂與叔蘇季明上蔡謝顯道延平楊中立建安游定夫河東侯師聖伊川門人後有河南尹彥明張思叔東平馬時中福清王信伯涪陵譙天授中立彥明遭遇靖康建炎紹興之間致位通顯天授入朝於靖康而不合紹興中再召不起後隱清神山中建安胡康侯學春秋於伊川而不及見以楊謝為師友紹興初秦會之為亞相引康侯侍經筵一時善類多聚於朝俄為呂元直朱藏一所逐朱呂罷趙元鎮相彥明以布衣入覲講經生

學士多召用焉元鎮罷張德遠獨相陳司諫公輔首上  
章力排程氏之學以為狂言怪語淫說鄙論鏤榜下郡  
國切禁之康侯疏言今使學者師孔孟而禁不得從頤顥  
是入室而閉其戶也其後會之再得政復尚金陵而洛  
學廢矣中立傳郡人羅仲素仲素傳郡人李愿中愿中  
傳新安朱元晦康侯傳其子仁仲仁仲傳廣漢張敬夫  
乾道淳熙間二人相往來復以道學為己任學者號曰  
晦庵先生南軒先生東萊呂伯恭其同志也南軒侍經

筵不久而去晦庵屢召不起上賢之久之王丞相淮當國不善晦翁鄭尚書丙始創為道學之目王丞相又擢太府寺丞陳賈為監察御史俾上疏言近日縉紳所謂道學者大率假其名以濟其偽望明詔中外痛革此習每於除授聽納之際考察其人擯斥勿用晦翁遂得辭又數年周洪道為集賢相四方學者稍立於朝會晦翁除郎以疾未拜而林侍郎栗劾其欺慢且詆道學之士乃亂臣之首宜加禁絕林雖罷去而士大夫譏貶道學

之說迄不可解甚至以朋黨詆之而邪正幾不能辨至  
紹熙末趙子直當國遂起晦翁侍經筵而其學者益進  
矣晦翁侍經筵數十日而去位子直貶永州何叅政澹  
為中執法復上擊道學之章劉樞院德秀在諫列又申  
言之於是始有偽學之禁矣先是光宗登極劉德修為  
殿中侍御史上疏極言兩議交攻之禍詔下其章而後  
五年其偽學乃禁

學黨五十九人姓名

自禁偽學之後劉侍郎珏以故御史免喪入見上言前  
日之偽黨今又變而為逆黨且何策以消之於是自慶  
元至今以偽學逆黨得罪者凡五十有九人宰執四人

趙汝愚

右丞相

留正

少保觀文殿大學士

王蘭

觀文殿學士知潭州

周必大

少傅

觀文殿大學士

待制已上十三人朱熹

煥章閣待制兼侍讀

薛叔似

權吏部侍郎

郎兼樞密都戶承旨提舉太史局

章穎

權兵部侍郎兼侍講

鄭湜

權刑部侍郎

樓鑰

權吏部侍郎

部尚書

林大中

吏部侍郎

黃由

權禮部尚書

黃黼

權兵部侍郎

何異

權禮部侍郎

郎孫逢吉

權禮部侍郎

餘官三十一人劉光祖

起居郎

呂祖



儉

太府寺丞

葉適

太府卿領淮東財賦

楊方

秘書郎

項安世

秘書省校書郎

沈有

開

起居郎

曾三聘

知郢州

游仲鴻

軍器監主簿

吳獵

監察御史

李祥

國子

博士

楊簡

國子祭酒

趙汝讜

添監右臧差西庫

趙汝談

前淮西安撫司翰官

陳峴

秘書省校書郎

范仲黼

著作郎兼權禮部郎官

汪達

國子司業

孫元卿

國子博士

燮

太學博士

陳武

國子正

田澹

宗正丞兼權工部郎官

黃度

右正言

張體仁

太府卿

蔡幼學

福建提舉常平茶事

黃灝

浙西提舉常平茶鹽公事

周南

池州州學教諭

吳柔勝

新嘉興府學教諭

李埴

校書郎

王厚之

直顯謨閣江

孟浩

知湖州

趙鞏

秘閣修撰知揚州

白炎震

新通判成都府

武臣三人

皇甫斌

池州都統制

范仲仁

知金州

張致遠

江西兵馬鈐轄已上並見於臺諫章疏者

士人

八人楊宏中周端胡道林仲麟蔣仲徐範

並太學生

蔡元定

呂祖泰慶元三年十二月丁酉知綿州王沆朝辭入見

請自今曾係偽學舉薦陞改及舉刑法庶吏自代者並

令省部籍記姓名與閒慢差遣事即行黃子由為吏部

侍郎建言人主不當待天下以黨與不必置籍以示不

廣沆故資政殿學士王曾孫也五年六月己丑擢沆利

州路轉運判官時子由權禮部尚書未幾出之張參政

巖為殿中中丞侍御史奏子由阿附權臣植立黨與遂  
降子由雜學士奉祠

御筆禁言舊事

當黨禍既作上欲消之因降御筆令復給舍臺論奏不  
必更及舊事務在平正以副朕救偏建中之意時劉德  
秀為諫長與察官張德修等上疏言自今舊奸宿惡或  
滋長不悛臣等不言則誤陛下之進用言之則礙今日  
之御札若任其敗壞朝事復如前日而後進言則徒有

噬臍之悔三者皆無一可望宣下此章播告中外令舊  
奸知朝廷紀綱尚在不致故肆侈張詔改不必更及舊  
事所謂不必專及舊事也黃元章為殿中侍御史獨上  
言治道在黜其首惡而任其賢使才者不失其職而不  
才者無所憾焉故仁宗嘗曰朕不欲留人過失於心中  
此聖皇之道也至於前事有合理論列事體有關國家  
利害者臣不敢以不正對疏奏元章竟徙他官

慶元罷臧否

孝宗淳熙中始嚴監司臧否郡守之令既申牧伯部使者數人稽緩之訓時趙溫叔守荊州黃中守潭為上所禮特下詔趣之然行之十餘年後士大夫徃徃以人情厚薄為臧否論者頗患其不公慶元四年十一月庚申新知漢陽軍蔣用之朝辭上言稱其偽朝廷是之明年三月甲午右正言陳自強復以為言於是臧否遂罷

慶元臧否縣令

慶元中張君量守廣西請令監司帥臣各於歲終以所

部縣令分臧否上中下三等合平而為七次春上奏頒之考其政蹟果係臧之最者取旨陞擢而否之最者亦加黜責其他次第斟酌施行以為懲勸從之時二年六月己丑也然自後未有舉行之者明年君量入為臺諫以至樞庭卒不能行其事更不能行其說云

紹興許薦士嘉泰罷泛舉

國朝薦舉之目自京職官至今錄其來遠慶元初司馬公始奏設文武十科以舉士其後又有舉將帥廉吏所

知合舊陞陟自代等科凡十有一紹熙元年冬又詔監  
司帥守滿秩造朝陞對之際許薦所部人才一二人如  
無聽闕文武高下皆有所拘其後三年間在外被薦者  
八九朝廷不能盡用但令中書省籍記其姓名而已四  
年冬言者謂今被薦者猥衆朝廷疑其私而不信病其  
衆而難從其間縱有賢才不免與僥倖者併乘請條之  
乃詔帥守監司自今毋得獨員薦士慶元元年十一月  
又詔諸司薦連銜以聞時章德茂帥興元薦知利州聞

中滿叔獻等三人政績有旨與監司及陞擢差遣胡紘  
為御史上言叔獻等不聞有過人之才而直以人情之  
厚獨銜舉薦詔勿行嘉泰二年三月右正言施康年又  
言近來士大夫有持廉吏科目及薦章十餘至廟堂但  
得一學官者又有挾三四薦而得院轄者執政至無以  
却之請自陞改自代十科外悉行罷去如朝廷聞者特  
旨令內外舉薦者並具實迹以聞從之自此舉薦之濫  
少可革矣

元年七月察官鄧友龍請  
覺察所薦非其人者從之



執政子孫任祠官

祖宗時執政子孫皆得任內外清望官但不為臺諫兩省耳自蔡京父子共政秦熈繼之由是典制大壞孝宗惡焉淳熙八年八月始詔見任宰執臺諫子孫並與宮觀嶽廟理為資考慶元六年閏二月又詔許用前宰執與狀為職司云

姚次韓論讞

紹興初陳去非在黃門始申嚴奏讞不當之令其後寢

寬慶元中東南有因詈人歐死者而行克之人作何問  
奏裁姚次韓為御史上言如此是詈人之罪重於殺人  
三年三月壬寅詔自今有司奏讞死罪不當者論如律

裕民五事

自紹興初令諸道守臣到官半年陳便民五事既又命  
給舍看詳其可行者以聞

二十六年九月壬子

其後寢廢淳熙末

復申行之

九年十二月戊午

慶元時劉仲洪為諫長復請專付

檢正都司考覈取其近情合理者以聞

二年七月戊子

三年四

月丙辰復令給舍看詳以白執政而檢正左右司檢詳擬行之然今諸路守臣所上言其無甚可行特姑存故事而已紹興三年二月甲寅初有詔守臣到任半年具便民或邊防五事以聞著為令

慶元緊要政目五十事

慶元五年十月右諫議大夫陳自强勉之上緊要政事條目三十門

人文	財用	軍旅	風俗	蓄積	法禁	陳諍
薦舉	科舉	學校	爵祿	教化	命令	賞罰

獄訟

稅賦

農田

邊備

禮制

銓選

馬政令

任官

監司守

奉天

奉祖宗

祭祀

任相

任將

駁違人  
荒政

請令侍從兩省講讀官進故事日於前項政事

條目內選擇一事為題先叙前代帝王施行得失而證

以祖宗故事體所宜斷以已意候其進入編為一書

如一句而講一事則再加今日之事體一歲之間便有

三四十事不過二年朝廷之大政講究畢矣疏奏從之

已而學士高文虎炳如又以二十事上之如前請

稽古

勤政

威斷

卹刑

惠民

久任

文章

考課

選吏

救弊

宗廟

宗室

兵制

奉親

歷法

錢帛

漕運

茶鹽

常平

義倉

### 何自然論薦舉

趙子直秉政引用所知多自外徑除館學者何自然為

中執法以其廢壞壽皇成法嘗上疏言之

元年六月己卯

已而

有旨除甲科及經擢用人外須歷知縣有政績者諸司

薦舉乃得除職命下自然復言若此用人也有二弊一

則其人政事雖無可述而有勢力可宛轉移書遍囑鼎

力進奏二則諸司之中苟有强有力者為之主張則他

司莫敢違拒寒峻之士無繇可進請詔諸司取實有政績者連銜以聞仍關御史臺照會若有不公許本臺覺察從之

元年十一月庚戌

自然雖有是言然終不能革嘉泰初

察院鄧有龍復奏言自慶元三年至六年在在外被薦者無慮千餘人其間或乏廉聲而舉充廉吏或素昧平生而舉充所知或不能文而舉可備著述至於廟堂亦無以處之願詔中外臣僚自今有人則可薦無人亦可闕倘所薦非人當擇其尤者而覺察以聞疏奏從之

元年七月丙戌

然亦未嘗有覺察者

監司郡守至官交割庫金

孝宗淳熙中常有詔守臣滿任以見管錢物交後政或  
次官收訖申戶部置籍代者限一月核實以聞著為令  
九年正月乙亥時蜀人有為總計及典方面者坐過例饋送各  
數萬緡皆停官

九年正月戊子三月乙未

郡守銓量

故事諸道守臣皆臨遣淳熙末上以嶺南蜀道遙遠始

詔川廣知州軍見居川廣合闕到半年前奏事人及係  
見闕去處並令詣本路轉運司稟事仰漕臣精加銓量  
人才委堪任使非昏繆老病之人確實報明申尚書省  
十年十月庚子然諸道罕嘗舉行紹熙末言者論漕司之權比

制司之為輕而責亦不若制司之重權輕則不敢多有  
所廢黜責輕則不暇詳於顧計州縣不治職此之由請  
一付之制司權重則雖廢黜之多而有所不憚責重則  
顧計利害之深而不敢苟且如此則昏老疾病之人不



得冒居而州縣無不治矣趙子直始為政遂白行之

五年

十月其後行之數年議者不以為當嘉泰元年五月十

辛卯

有一日並赴闕朝辭會知台州郭公燮等數人代者皆過滿帥臣劉仲洪因請於朝仍復令制司銓量免奏事焉大抵川陝道遠守臣奏事者多以為勞若帥臣公心一意而無請托喜怒予奪之私則銓量為得

### 嘉泰奏薦

嘉泰言者以官冗恩濫請恩娶宗女授官者仍舊法終

身止任一子

乾道二年六月集議止任一子九年改不作非泛

兩府師相不得

以郊恩奏門客文學歸正官不許添差極邊初官不許

求辟大臣丁憂解官遇覃恩不許遷秩著為令從之

元年

八月  
己卯

### 建炎至嘉泰申嚴賊吏之禁

自祖宗開基首嚴賊吏之禁重者輒棄市真宗以後稍從寬貸然亦終身不用建炎二年春高宗復詔賊罪明白者不許堂除及親民差遣犯枉法自盜罪至死者籍

其貲

二月  
辛未

四年秋詔自今犯賊免死者杖脊流配

八月  
戊子

是冬湖口令孫咸坐賊黜隸連州上謂輔臣曰祖宗時

賊吏有例杖於朝堂者黜而特配者尚為寬典

十一月  
壬子

紹興四年秀州黃大本遂決刺焉然高宗性仁厚但行

之數人而止七年秋永嘉令李處廉貸死籍其貲自是

為例

九月  
丙戌

二十六年秋處守鄒相犯賊當死相鄒忠公

子也上見其獄蹙額久之曰既贓罪不可貸乃編置吉

州

九月  
癸丑

隆興二年秋統制官魏尚者盜用所部軍食為

錢三千緡獄具孝宗諭湯丞相曰故事當直決湯相曰

尚武人不足深責願陛下三令五申上勉存之

九月己丑

遂

降詔禁止

十月乙丑

其後廣西提刑石亨義抵罪始刺配焉

淳熙五年上既申保任京官連坐之罰十年夏又詔自

今自盜枉法贓罪至死者籍貲決配不以秩位之高下

形勢之輕重朕將一槩施行

六月戊戌

遂命監司帥臣歲舉

部內廉吏一二人其實迹來上令中書籍記無則闕之

六月己未

然亦未嘗有決刺者慶元元年倪正父為吏部侍

郎建言今之達官貴人賊以萬計監司臺諫按法不過  
放罷前之行遣既不究實後之辨雪遂得有辭請自今  
以貪墨聞者雖未欲送獄根勘亦合差官究實懲治庶  
幾大賊治而小賊懲八月己丑其後亦不克舉行嘉泰二年  
冬言者又論臣僚賊累鉅萬且載章疏投閒數月便得  
祠祿請自今皆須二年十一月庚午雖有是言然臺諫所論  
或得於風聞朝廷察其誣未嘗不杖拭也若究實懲治  
則賭者無幸免而枉者可以復直矣舊以絹計賊者千

三百為一疋後增至二千紹興三年高宗以絹直高特

下詔增一千

九月

乾道六年復詔權以四千為一疋

三月

甲戌迄今遂為定制

近歲堂部用闕

渡江以來員多闕少中外久患之紹興末寺監丞簿學

官大理司直樞密院編修官始皆有待次者乾道五年

秋孝宗遂命皆與添差一次自今須見闕乃得除

近歲以來

東南郡守率皆待月兩聞五六年蜀中亦三四  
年由是朝士罕肯丐外而勢要之人多攘闕者  
淳熙十

三年詔自今存留州郡十五闕止差一政令中書籍記  
以待執事官外補慶元元年又增為三十闕非職事官  
補外母得陳乞然廟堂牽於巧請率多借用嘉泰二年  
夏言者請以嘉興府處台衢嚴信池表撫江潮漳泰溫  
徽州十五闕令中書再行注籍專待職事官請外如有  
經營留闕之人令給舍繳駁臺諫論奏從之  
四月辛卯今監  
司帥臣亦有待闕者今年辛煥炳知夔州待除何侍郎  
異闕而待左選人用六年闕侍右小使臣用五年半闕

云小使臣初用五年二月戊申吏部請用季闕慶元六年閏六月半闕許之

嘉泰禁私史

頃秦丞相既和議始有私史之禁時李文簡燾嘗以此重得罪秦相死遂弛語言律近歲私史益多郡國皆錄本人競傳之嘉泰二年春言者因奏禁私史且請取李文簡續通鑑長編王季平東都事畧熊子復九朝通畧李柄丁未錄及家語傳等書下史官考訂或有裨於公議乞即存留不許刊行其餘悉皆禁絕違者坐之

二月甲午



文簡所著長編凡九十餘卷孝宗甚重之季平子復皆  
嘗上其書除職遷官仍史館內以父任監行在都鹽食  
乾道八年夏上其所編丁未錄二百卷自治平四年至

靖康元年詔特改京官

六月戊戌

付國史院然紀載無法學

者弗稱焉其秋商人載十六車私書持子復中興小歷  
九朝通略等書欲渡淮盱眙軍以聞遂命諸道帥憲司

察郡邑書坊所鬻書凡事干國體者悉令毀棄

七月戊申

中

興小歷者自建炎初而至紹興之季書雖已成久未嘗

進御然其書往往疎畧多抵牾非古良史之比也

建炎雜記甲集卷六

欽定四庫全書

建炎雜記甲集卷七

宋 李心傳 撰

時事

張魏公誅范瓊

范瓊者山東人靖康初斡羅布入寇瓊以萬人勤王拜  
京城都巡檢使二帝北狩張邦昌僭立瓊實與其謀以  
此遷神龍衙四廂都指揮使高宗即位釋其罪以為御

營平寇前將軍明年冬俾將兵北伐瓊至平敵方盛遂自淮西間道移江東日以聲色自奉又轉而之江西苗劉既誅吕安老為諫官首奏其罪且有取瓊之策時陳待制戢為監察御史奉詔召瓊入朝瓊陳兵以待剥人以懼之陳不為動徐謂瓊曰將軍不見苗劉之事乎願熟計之乃引兵趨行在既至未肯釋兵因奏乞貸管軍左言等朋附苗劉之罪又言招盜賊十九萬人皆願聽臣節制上駭而怒於是吕忠穆為相張忠獻在樞密忠

獻奏瓊大逆不道罪惡貫盈今釋不誅他日必有王敦  
蘇峻之患上許之呂公奏曰臣與瓊舊有嫌不敢獨任  
其事願付張浚劉彥冲彥冲時權樞密院檢校忠獻退  
召彥冲謀之夜鎖吏於府中使為榜劄敕書皆備明日  
朝退乃遣神武右軍都統制張浚以千人渡江若捕他  
盜者使其帶甲以來因召御營副使劉光世及瓊赴都  
堂計事瓊從兵溢途巷意氣自如食已忠獻等相顧未  
發彥冲坐廡下恐事覺遽取寫敕黃昏詣前揖瓊下謂

曰有敕將軍可詣大理置對瓊貽愕失措彥冲已揭榜  
疏其罪狀於省門浚使光世出撫其衆曰所誅者止瓊  
耳若等固天子自將之兵也衆投刃曰諾即分其兵隸  
神武五軍械瓊送棘寺後五日有詔賜死中外快之先  
是國威不立諸大將多偃蹇不恭及瓊就誅始知有國  
法矣

處州義役

德興義役

乾道中范文穆成大知處州言松陽縣民輸金買田以

助役戶為三千三百畝有奇按此役次以名聞官不煩  
差科可至一二十年者請命諸縣通行之事下戶部看  
詳蓋江浙民久病差役催科徃徃破家竭產用是良民  
畏憚後爭訟囂然故文穆以為言然事未下也及文穆  
為中書舍人復言處州六邑義役已成可以風示四方  
美化請命守臣胡沂以其規約來上從之乾道七年正月淳熙  
初知州事陳孺還朝乃言民間貧富不均今止據成規  
差役爭訟不已請依舊法以物力資次差募事常平司

三年已而用言者請命郡太守務在其必行有能率先

量與推賞

六年正月

又言請有罰以禁其沮敗

六年二月

許之於

是知常州李結請捐官田予民以充其義役自於兩浙

為始乃先以本州未經佃戶官田二十餘萬畝均給義

役事下版曹給舍義役乃命結措置以聞

六年正月

而卒不

能行久之慶之布衣上書申言義役事甚詳

八年十二月

詔

知州事季翔修義役事翔因請民田百畝毋問其官民

併僧道皆出田二畝以助保正長官為置地基簿而子



孫母得覲覲此法一成可為數百年之利也上許焉然  
官民僧道既出丁役錢又取其田以助其役者是謂再  
役也或有議者乃舉一人經御史臺訴其擾十年翔不  
以為然其執政王魯公等皆是翔請時蔣尚書繼周為  
右正言因力論其擾民請罷翔令兩浙見行十五年冬  
十月也先是我先君子為饒州德興宰奉詔舉行義役  
事乃令民以田之多寡而為役之久近如多者役二年  
少者不過役三月又自三等以上各戶賦輸皆與之期

不以委之保正至則隨手給鈔即費民一錢用是稅節  
賦時以後為恥而保正長官之役亦為之爭先而所不  
辭也邑人繪先君之象祠焉太府寺丞浮梁程宏圖為  
之記今有二十年矣其義役規約故在當有能舉行之  
者云

建炎雜記甲集卷七

欽定四庫全書

建炎雜記甲集卷八

宋 李心傳 撰

雜事

宇文肅愍死事

建炎初宇文樞密虛中應詔使北金人留之後以為樞密使紹興中虛中陰結中原忠義欲竝金主郊天日舉事而使朝廷應之先以蠟書來上秦檜用事遽繳其書

遺金人高宗不知之也會虛中事亦自泄金族其家株  
連死者甚廣淳熙中孝宗念其忠死始贈開府儀同三  
司謚肅愍且為置後其孫紹節令為右司郎中

繳還蠟書謚議

云尔而或謂未必然且自露耳

### 何文鎮建元帥議

靖康中何文鎮初相金再犯京師康王在河北文鎮請  
以帛書拜王為大元帥淵聖可之文鎮既北去降御墨於  
其家紹興中文鎮之弟桀持詣秦丞相乞進于朝秦方

主和惡聞其事抑不奏秦檜死桀知萬州乃申建康乞  
會申王府御筆所在秦氏取而還之淳熙十二年洪端  
明領史院請下隆州索其書編于中興日厯桀子令修  
通判印州事以聞詔付史館遷令修一秩知印州云

朝士投匭免知在

故事臣民投匭上書者皆從檢院押出召保乃許自便  
紹興三年秋地震求直言太常少卿唐恕應詔上封事  
檢院官以故例待之卒閣學炳時為臺端言有乖禮意

請行在職事釐務官上封事者並實封牒送檢鼓院投進不在召保知在逐便之限從之

大臣奪情服繆

故事大臣奪情者服造光幘繆紫袍皂角帶道君惡之政和末始議以入公官不應變服遂以吉服朝然居家猶喪服也紹興初朱藏一起復右僕射請所服太常遂援政和近事為請而居第則繆服去佩焉議者不以為是

趙元鎮用伊川門人

趙元鎮初相喜用伊川門下士當時輕薄者遂有伊川三魂之目謂元鎮為尊魂王侍郎居正為強魂以其多忿也謂楊龜山為還魂以其身死而道猶行也時龜山初亡朱內翰震言於朝因賻甚厚故有還魂之目焉

鄭亨仲欲併掌利權

建炎中張魏公為宣撫處置使節制川陝京湖十三路便宜黜陟魏公既罷其後去便宜猶于兵民財無所不

總故其權常重若財賦舊以都轉運使領之然大抵皆隸宣撫司紹興中秦檜既與鄭亨仲有間十五年十一月始命趙侍郎不棄以大府少卿為四川宣撫司總領官蓋陰奪其柄亨仲不悟也趙入疆移文宣撫司用平牒亨仲見之愕而怒久之始悟其不隸已也十八年宣撫司罷又改為總領四川財賦錢糧蓋自為一司迄今不改然自辛巳用兵後凡文臣執政官為宣撫使則總領官用申狀受約束武臣為宣撫使則抗禮平焉



節度使以軍禮見宣撫

紹興中鄭亨仲為川陝宣撫副使大會諸將于閬州時  
吳武順璘楊襄毅政郭恭毅浩皆以節度使來會亨仲  
坐堂上吏贊客亨仲遽興日高猶不出既而政先執挺  
謁亨仲乃受之尋與璘浩循堦以客禮見蓋璘時以右  
護軍都統制駐武興浩以樞密院都統制駐漢陰而政  
在漢中實宣撫使都統制故也十八年始有旨並稱某  
州駐劄御前諸軍都統然詣宣威府悉趨庭焉論者以

鄭為得體

虞并父長者

虞并父丞相仕未達嘗調官臨安携所著新唐書以干秦丞相書未上會其同舟者竊得本以獻秦并父知之乃更以他書為贗已而竊書者先去疑并父必怨已遇士大夫輒詆之并父還知渠州過夔沈守約丞相為帥問并父以同舟之為人并父稱其美守約屢詰之并父不變守約曰是人毀君不容口君毋為過情并父曰渠

所長甚多但差好罵耳守約太急稱其長者未幾守約入參大政白召并父為秘書丞以至大用云

陳魯公鎮物

紹興末金海陵煬王臨江中外懼懼朝士多遣家為避難計時陳魯公為左相獨鎮之以靜人心少安一日邊郡羽書來上趣召輔臣公獨後至中使屢趣之陳行愈益緩上嘗夜出手札欲散百官浮海避金公對中使取御札焚之當是時都人將遁去賴陳不為搖動都人乃止

金史卷八  
北敵退獨公乃與黃通一老家屬在城中

張魏公薦士

隆興初張忠獻公再入為右相上注意甚厚使公條奏

人才可用者公奏虞雍公允文陳魏公俊卿汪端明應

辰王詹事十朋張尚書闡可備執政劉觀文珙王閣學

大寶杜殿院起莘宜即召還胡資政銓可備風憲張舍

人孝祥可付事任馮提刑時行馮少卿方可備近臣朝

士中林侍郎栗王侍郎杓莫少卿冲可任臺諫皆一時

選也時劉王杜三人皆以論事去國故公請召之其後  
悉為名臣終孝宗朝不顯用者數人而已

趙溫叔使北

趙溫叔為舍人使北還入見上問朕何如葛王溫叔奏  
曰臣觀葛王望之不似人君規模氣象不及陛下萬一  
中原不日可復也臣敢再拜賀上大悅

韓子師折金使

淳熙中金人有舉進士第一者

記其姓名不審

奉使來賀正旦

自負其辯頗凌慢主人時人韓彥古子師館伴一日金使自謂其廷試賦雲屯一百萬騎日射三十六熊之句以為警策子師遽曰一百萬騎僅能得三十六熊何其甚也金使惘然熊射侯也韓不學妄以為熊羆之熊故金使猝無以應然自是辭色頗恭時人亦多韓之敏捷

蘓文忠贈官

乾道末蘓文忠特贈太師世或不知其所以蓋仁宗時蘓儀甫嘗為翰林學士元祐中以其子容貴贈太師始

儀甫嘗游金山題詩曰僧依玉鑑光中住人在金鰲背上行至是蜀僧寶印住金山摘其詩名軒為玉鑑又囑張安國大書而刻之張跋云此詩翰林學士贈太師蘓公所賦也碑成僧摹以遺大璫甘昇一日上過其直廬外望見索觀之意以為文忠也時文忠曾孫季真為給事中他日上更書文忠詩以賜又識其末曰故贈太師蘓軾詩季真拜受賜疑之前白曰先臣紹興初嘗贈資政殿學士未嘗贈太師今蒙聖恩乞自朝廷行下上愕

曰朕記贈太師久矣季真不敢白間為執政言之執政曰奏以為言上始喻金山寺詩乃蘓紳也因即曰如軾名德昭著亦當贈太師於是降旨施行然上實雅敬文忠居常稱子瞻或東坡舍人草制有曰人傳元祐之學家有眉山之書蓋詞頭無所憑故但為好語爾

保任京官連坐

保任京官犯贓連坐舊制也然近歲未有舉行者淳熙初錢師魏參知政事會其所舉者以賄敗上疏自劾詔



特鑄三官吏部因以他舉官名聞皆坐降秩紹熙初趙  
溫叔所舉以贓抵罪用故事當削三秩而溫叔時為使  
相若降三秩則應落衮鉞為銀青光祿大夫朝廷難之  
於是自衛國公降封益川郡公削其食戶二千而已其  
後周洪道連坐亦自益國公降封滎陽郡公盖用溫叔  
例益大國視郡公為三資衛國故并削封戶

張敬夫遺表

張敬夫帥荆川庚子春疾甚數乞免不許將死自作遺

表來上邸吏以庶寮不得上遺表却之上迄不見也其表曰再世蒙恩一心報國大命至此厥路無由猶有微情不能自己伏望陛下親君子遠小人信任絕一己之偏好惡公天下之見永清四海克鞏丕圖臣死之日猶生之年敬夫之不亂如此所謂古之遺忠矣敬夫卒之四日上聞知其疾病乃拜右文殿修撰奉祠敬夫始以父任為右承務郎平生未嘗乞磨勘上知之其在廣西特進二秩為承事郎故職雖高終不得任子云

王瞻叔與王時亨爭禮

自席大光後成都守臣率廉四川大帥惟本路監司以  
管轄之故得就廳所下馬他路則不然為守者率侍從  
近臣故監司見者必止喝更乘小輿自側門入紹興末  
王時亨為守王瞻叔為轉運副使將穿戟吏以故事白  
止之瞻叔不平他日檄府以某日按見金穀簿書遂傳  
呼入戟据設廳而坐謂典謁吏曰今日轉運副使來點  
檢成都府公事非見制置使也時亨不能語

郡守越境省親

故事守臣無得越境者王正仲守揚其親居潤才隔一水正仲因乞告省親許之乾道中史丞相守紹興援例省其母于四明明越屬郡也淳熙末耿直之侍郎為四明守其父年九十矣直之以親病乞視未聽直之用故事謁告歸江陰省親上特許之時有為湖廣總領者其母老請用季春至湖州迎侍上亦許焉孝宗錫類之施每如此

奉祀汾陰寶

淳熙十四年春有士人聶愿者獲一古印以皇帝駕奉祀汾陰之寶九字為文重十三兩士愿以為真宗西祀所作時吳少保据為淮東總領以五百千償士愿取其寶獻于朝詔藏天章閣士愿以其寶生金所鑄償價未足詣御史府訴之蔣世修繼周為中執法命有司覆寶且言祖宗遺寶復歸中禁縱使是銅亦當薄償務重大體宜校細微事下工部將作監覆寶驗之果銅也乃詔

士愿免罪

三月  
巳未


按汾陰記封金匱用受命寶封石匱用

天下同文寶不見于記載故朝論疑之卒不加賞云

陳子長築紹熙堰

兩淮土沃而多曠土人且耕且種不待耘耔而收其十倍浙民每于秋熟小舟載其家至淮上為淮民穫田主僅收十五他皆為浙人得之以舟載所得而歸有張拐腿者淮東土豪也其家歲收穀七十萬斛金亮入寇執得之問以江南虛實張不肯言亮斲其兩股無餘終不

以告乃舍之後亮退師張亦不死淮民因謂之拐腿云  
紹熙末陳子長損之提舉淮東常平以淮田多沮洳因  
築堤數百里堰之得良田數百萬頃事聞錫名紹熙堰  
子長除直秘閣淮東轉運判官朝廷念淮民至切損其  
稅



建炎雜記甲集卷八



欽定四庫全書

史部

建炎雜記甲集卷十九

詳校官編修臣范來宗

編修臣程嘉謨覆勘

總校官編修臣王燕緒

校對官助教臣卞維吉

謄錄監生臣魏淳曜

欽定四庫全書

建炎雜記甲集卷九

宋 李心傳 撰

故事

潛藩州建軍府名

舊制天子即位嘗以所領州鎮自防禦州而下皆陞軍名若節鎮州則建為府如英宗自齊州防禦使登極升齊州為興德軍神宗自忠武軍節度使建儲升許州為

隸昌府之類孝宗受禪以始封洪鼎宣建州舊有軍額

則建為隆興常德寧國建寧府而劍州止升為晉安軍

紹興中始再升為隆慶府

盖用此制光宗自榮州刺史進封恭王今

上自英國公出就傅後封嘉王四州皆為大郡然三州

躡升為重慶英德嘉定府而榮州至今不錫軍名盖中

書之誤

百官轉對

故事百官五日一轉對紹興六年十一月詔百官應轉

對而疾病者許封進文字更不引對其後秦相當國久  
惡聞人言於是百官當對者多託疾不至十七年八月  
詔自今當對而在告者竢疾愈日上殿命吏部約束之  
然所對者不過大理寺官十餘人姑應故事而已自孝  
宗臨政垂意人才乾道淳熙間朝士抱才氣者皆以得  
見上為喜而碌碌者頗以轉對為憂然士大夫不為大  
臣所喜者往往竢其對班將至預徙他官至有立朝踰  
年而不得見上者蓋輪其官而不輪其人此立法之弊

大臣賜書閣名

宣政間大臣賜書閣多得以御筆閣名若蔡京曰君臣慶會王黼曰得賢治定是也紹興初高宗以平江朱勔南園賜韓忠武題其賜書閣曰懋功後秦申王閣曰一德格天賜和王閣曰風雲慶會賜會稽王閣曰明良慶

會云

皇甫坦賜書閣名紹興煥文

宰臣生拜太師

國朝自建隆至紹淳間宰臣生拜太師者五人爾趙韓

王普文潞公彥博蔡魯公京秦申公檜史會稽王浩惟  
蔡秦二人以相臣特拜其他皆還政加恩

親王生拜太師

本朝親王生拜太師者五人真宗朝楚王元佐仁宗朝  
燕王元儼哲宗朝吳王顥欽宗朝燕王俱越王偁皆以  
父兄行乃得之紹熙中嗣秀王伯圭以宗室特拜太師  
盖王於光宗為親伯父故用優禮也

建隆至嘉泰宰相數

國朝宰相自建隆至嘉泰凡一百有二人前輩既自建隆元年至元祐五年一百三十年凡五十人自元祐五年至紹興六年四十六年凡二十八人以為兩倍于前矣自紹興七年至嘉泰二年六十六年其間宰相或席不暇煖而才二十有四人蓋秦會之獨相十八年故也

中興宰相久任者

中興宰相二十九人自秦申王外在位踰三年者八人而已王魯公淳熙八年相十五年罷凡七年留衛公淳熙

十五年相紹興五年罷京魏公慶元二年相六年罷皆  
五年陳魯公紹興二十九年相隆興元年罷凡四年虞  
雍公乾道五年相八年罷趙衛公淳熙五年相八年罷  
周益公淳熙五年相八年罷周益公淳熙十四年相紹  
興元年罷皆三年謝魯公慶元六年相至今亦近三年  
宰相位公孤封國

高宗宰相十五人惟秦會之為太師呂元真為少保其  
他未有至公相者而封國亦在二人

秦益公檜  
張和公俊

孝宗宰



相十五人生至公少者五人而已史文惠太傅張忠獻

陳正獻皆少師陳文恭虞忠肅皆少保然徹國者已十

人陳文公王文定皆封魯史文惠張忠獻陳正獻皆封魏湯特進封慶虞忠肅封雍梁文靖封鄭趙開府封

衛周少傳封許紹熙後宰相凡七人京仲遠以少傅封冀國公

周洪道畱仲至謝子肅以少保封益衛魯三國公葛楚

輔余處恭官皆至特進宰相官爵之尊未有如近歲者

也

中興宰相封國數

中興宰相封國者呂忠穆成秦申王萃衛慶張忠獻和

湯特進榮陳文恭信福史郡王永衛陳正獻中福虞忠

肅濟成梁文靖儀趙開府沂王特進信福周少傅許

益留少保申衛京文忠祈鄭謝少保申岐

一國封兩公

故事一國未有封兩公者宣和末鄭達明封燕國公及  
薨蔡攸乃封燕國淳熙中史太保封魏陳少傅封福及  
慶典陳少傅進封魏國公時史公尚亡恙也近歲趙沂公

既封衛後數歲畱申公以左揆復封衛國公一國兩公  
蓋失于討論爾

宰相追封王爵

中興宰相追封王爵者二人秦申王以久任史會稽王  
以舊恩皆異數也

中興諸將封王數

中興諸將生享王封者四人張忠烈

俊

韓忠武

世忠

楊

武恭

存中

吳武順

璘

追封真王者五人張忠烈

循魯

楊

武恭

和

吳武順

信

韓忠武

斬

吳武安

倍

追封郡王者一

人劉武僖

光世安城郡王

中興外戚封王數

中興外戚封王者自信安孟王忠厚始其後平樂韋王  
淵太寧吳王益永寧郭王師禹皆以元舅之貴乃得之  
慶元中韓太傅侂冑以中宮從曾祖封平原郡蓋殊命  
也

高宗朝叅政最多



太祖乾德二年始置叅知政事自是凡十三年止四人而已仁宗在位四十二年叅知政事凡三十七人徽宗在位二十六年凡三十四人高宗在位三十六年凡四十八人孝宗在位二十八年凡三十四人以累朝較之而高宗朝除人最多蓋秦丞相專權不欲其久在位故耳

小兩制除執政

故事小兩制未有除執政者乾道二年蔣子和始自中

書舍人除僉書樞密院事

中興左揆數

中興左相十六人高宗朝七孝宗朝六光宗及慶元嘉泰三朝外若范覺民洪景伯蔣子禮葉夢錫趙溫叔皆獨相而止居右朱藏一張德遠史直翁梁叔子皆再入而亦止為右揆焉

本朝執政父在恩數

本朝執政父在者若王文康溥章雷州惇張文孝觀吳

正肅

奎

安觀文

肅

何開府

東

朝廷皆因其入踐二府而峻

加恩命然但除四品寄祿官致仕尔徽宗用李太宰

邦

彦

秉政眷遇甚渥其父浦始特除右文殿修撰遷寶文

閣待制奉朝請及死又贈雜學士諡宣簡云浦懷州人

以鍛銀為生其除拜皆非故事然當時無正之者政和

初林彦正

攄

自翰林擢為執政其父邵以寶文閣待制

遷直學士蓋異之也近歲程參政

松

為諫長其父九萬

以子在臺省日久自直敷文閣除秘閣修撰嘉泰中以

程入兩地兩除華文閣待制提舉醴泉觀奉朝請視政  
和恩數為優云

國朝父子祖孫兄弟宰執數

國朝父子宰相二家呂許公申公韓魏公儀公祖孫宰

相一家曾魯公欽道兄弟宰相一家韓康公莊敏父子

執政十三家曹武惠子武韓忠獻子獻肅持國莊敏石元懿子

文定陳晉公子恭王仲明子忠簡王惠獻子安簡呂文靖子

惠穆正獻范文正子忠宣曾宣靖子令綽蔡新州子彥清蔡儋州



子居 秦申王子伯 王毓節子能 祖孫執政八家張師黯

安 孫簡 王文獻孫康 梁康肅孫才 富文忠孫李 張章簡孫

翼 元量 張榮僖曾孫 錢文僖元孫 蔣穎叔曾孫 兄弟執政

十一家呂鎮南弟正 陳文忠弟文 任康懿弟安 呂正肅

弟正 吳惠穆弟正 韓獻肅弟持國 王文公弟和 蔡儋州

度 鄧子能弟文 洪文惠弟文 宇文仲理弟肅 叔姪執

政四家胡文恭從子 林文節從子 史簽樞從子 章文獻

從孫質 三世宰相一家呂文穆從子 文靖 三世執政二

夫子厚

從孫正獻

三世執政二

家韓魏公

子儀公會  
孫似夫

曾魯公

子令綽  
孫欽道

四世執政一家呂

許公

從父文穆子惠穆  
正獻曾孫舜徒

渡江後父子兄弟建節數

三世四世五世建節

渡江後父子建節十一家劉光世

子景慶

錢忱

子景臻

邢煥

子孝揚

韋淵

子謙

吳玠

子拱

郭浩

孫果

楊存中

子俊

劉錡

父武仲

吳益

子琚

吳益

子懷

吳挺

子儀

兄弟建節七家吳

玠

璘

忱

韋謙

謹

吳益

益

吳挺

拱

吳琚

懷挺

李友文

孝純

三世節度使一家吳璘

子挺  
孫曦

四世節度使二家錢

忱高祖倣曾祖惟演父景臻鄭藻大父紳父成之從子興裔五世節度使一家韓

侂胄曾祖從子邈從孫同忠獻卿從曾孫竣

本朝未三十知制誥未四十拜相者

本朝未三十知制誥者蘓文簡二十吳元忠二十晏元

獻宗宣獻王懿恪張安國皆二十八王文正夏文莊皆三十未四

十執政寇萊公三十張魏公三十晏元獻三十蘓文簡錢

宣靖韓魏公皆三十六趙韓王王沂公皆三十九富韓公四十未四

十拜相者范覺民三十吳元中何文縝皆三十八張魏公三十

九

中興學士秉政者

中興學士自建炎丁未至嘉泰壬戌凡七十人承旨直  
院權直並係大拜者十一人朱忠靖勝非沈特進諤湯

慶公思退虞雍公允文史魏公浩洪文惠适蔣觀文芾

梁鄭公克家周益公必大王魯公淮葛開府邨執政者

又二十九人可謂盛矣

渡江後學士再入三入者

渡江後學士三入者二人胡端明交修王端明曦再入

者十六人張文靖宇綦寶學宗山沈忠獻與求陳資政

與

孫資政近劉閣學才邵李侍郎椿年洪文安遵錢

給事周材洪文敏邁劉忠肅珙鄭資政聞周益公必大

王魯公淮倪侍郎思

國朝學士久任再入三入者

學士久次者晁文淵迥十六年王文恭珪十三年王文

忠克臣十二年宋文安白章文獻得蒙趙清獻升楊中

翰

偉

皆十一年陶尚書

谷

丁文簡

度

皆十年扈尚書

蒙

蘓叅政

易簡

賈叅政

黃中

李昌武

宗錫

孫文懿

忞

胡文

恭

宿

皆九年徐常侍

鉉

楊文恭

億

皆八年歐陽常侍

迥

宋宣猷

綬

歐陽公

修

皆七年梁給事

周翰

李相州

維

晏

元獻

殊

馮宣靖

元

皆六年熙寧後學士率一二年即遷

久次者三四年而已高宗朝湯慶公孝宗朝周益公始

皆六年學士再入三八者宋文安兩入凡二十年李相

州孫文懿皆十二年楊文公范仲文皆九年曾宣靖馮

文簡皆七年葉道卿張文定皆六年宋景文楊宣懿皆  
三入而止五年渡江後周益公再入凡九年胡端明二  
入跨六年久次者止此二公而已

父子兄弟入院數

錢文僖公記父子入院一家李文武昌武兄弟入院三

家二蕭可象望之二李文靖相之二錢希白師聖以為極盛矣其後父

子入院者又四家錢希白子飛梁仲素莊肅蘓儀甫子

容洪忠宣景白景嚴景廬兄弟入院者又九家二陳文惠康肅二吳

正肅 二韓康公 二蘓文忠 二曾文昭 二蔡元長 二字文  
正憲 仲理 三洪文惠文 然馮氏父子兄弟入翰苑者四人古  
仲通 安景盧 今所未有也

### 西閣久次

祖宗時西閣久次者王晉公再入凡十六年朱公巽十  
二年廬崖相十一年扈日用李孟雍皆十年張尚賢石  
文定皆九年錢文僖宋宣獻李儀父皆八年李相州王  
沂公劉子儀張文孝皆七年盛文肅錢希白丁文簡晁



文莊皆六年

非進士除內外制臺諫經筵史館事始

國朝非進士出身除學士自林彥振始

韓持國已省試合格但避嫌不

赴廷試

除舍人自顏夷仲始除講官自吳傳正始除諫官

自徐師川始除臺官自曾統始除史官自邵博始

任甲

先賜出身除修注後乃入史院

中興講讀官節料

中興講讀官三大節料大觀文

錢一百五十千酒十瓶

大資政以

上錢百千從官錢五十千餘官錢三十千紹興十五年

酒十瓶

酒六瓶

酒三瓶

冬所著令也

### 制科宰執數

國朝制策登科四十人至宰相者一人而已富文忠弼

執政者九人夏文莊竦吳正肅育張文定方平田宣簡

況

吳文肅奎邵安簡元蘓文定轍李黃門清臣范榮公

百祿

### 詞科宰執數

自紹聖乙亥至紹熙癸丑以宏詞中選者凡七十二人

其後至宰執者十一人孫忠定傳滕樞密康盧左丞益

張文靖守范參政同秦忠獻檜周樞密麟之洪文惠適

洪文安遵湯慶公思退周益公必大入翰苑者吳龍學

升盧左丞益孫尚書覲張文靖守滕樞密康胡尚書友

修范參政同劉侍郎才邵王端明暉湯丞相思退周樞

密麟之洪丞相適洪樞密遵洪內翰邁莫直院濟周丞

相必大趙舍人彥中李尚書獻陳侍郎峴陳內翰宗召

狀元大拜數

建隆以來狀元已沒者六十九人而大拜者七人而已

呂文穆

蒙正

王文正

曾

李文定

迪

宋元憲

庠

何開府

鼎

梁文靖

克家

趙銀青

汝愚

是也執政凡十一人楊樞密

補

王景莊

嗣宗

蘓參政

易簡

陳文忠

克叟

張文孝

觀

蔡

文忠

齊

王文忠

堯臣

馮文簡

京

許黃門

將

陳樞密

誠之

鄭樞密

僑

是也節度使二人陳康肅

堯咨

王懿恪

拱辰

是也

父子兄弟祖孫狀元父子兄弟賢良

國朝父子狀元三家張去華

子師德

安德裕

子守亮

梁灝

子

固

祖孫狀元一家沈邁

孫晦

兄弟狀元二家二陳

文忠康肅

二孫

漢公鄰幾

父子賢良一家錢希白

子明逸彥遠

兄弟賢良二

家二錢

子商子飛

二蘓

文忠文定

狀元舉制科

唐貞元中魏弘簡以狀元舉賢良自是無繼之者至國

朝而狀元舉制策者復二人孫舍人

何

孫學士

暨

二公

咸平初連榜冠多士咸平四年同以賢良方正登科近古所未有也

狀元年三十以下數

狀元年三十以下者王宣徽拱辰汪端明應辰年十八

沈內翰邁年二十莫內翰傳二十二梁內翰顥張舍人

孝祥王尚書忱皆二十三楊樞密礪蘓參政易簡木尚

書待問皆二十四王丞相曾王參政堯臣張監丞唐卿

賈內翰黯彭尚書汝礪衛舍人經皆二十五何僕射康

趙丞相

汝愚

皆二十七蔡樞密

審齊

宋丞相

庠

馮樞使

京楊監丞

寅

姚秘書

穎

王叔興

昂

皆二十九陳樞相

堯

叟

張參政

觀

詹舍人

駁

許僉判

奕

皆年三十

狀元十年執政五年持橐人數

狀元及第不出十年而執政者呂許公

蒙正

丁丑榜癸

未年參知政事凡七年董資政

德元

丁卯榜甲戌年參

知政事凡八年梁鄭公

克家

庚辰榜己丑年簽書樞密

院事凡十年狀元及第不出五年為侍從者何給事

梟自

及第至給事中凡二年蘓參知

易簡

霍侍郎

端友

自及

第至知制誥凡四年陳英公

堯咨

自及第至知制誥凡

五年此外呂許公何文績自登第至大拜十二年梁鄭  
公自登第至大拜十三年而王文正馮文簡趙莊叔自  
登第至知制誥亦止六年趙溫叔自登第至為中書舍  
人亦止八年

狀元三年執政二年持橐者

秦伯陽紹興十二年以右通直郎登第一年而為禮部



侍郎三年而知樞密院事其子塤紹興二十四年登第  
明年為禮郎古今所未有也

狀元特任子

仁宗時狀元孫暨楊寘死于京官皆得官一子紹興元  
年六月利州通判何洙言其弟渙死于承事郎太學博  
士請予一子官許之其後黃司業定終于承議郎直顯  
謨閣淳熙中余校書復終于奉議郎慶元中皆特官其子一

人用此故事

近臣舉御史

祖宗故事御史有闕例命兩制

學士舍人為兩制

給舍中承知

雜

知雜京侍御史

同舉一二人自官制行朝廷直除而已淳熙

初孝宗始復故事命近臣參舉然從官皆畏避鮮敢以聞故此制又廢至紹熙末纔一舉行耳

南班宗室及堂後官臺參事始

中興後南班宗室赴臺參自士移等始

紹興四年二月朔

堂後

官赴臺參自魏彥弼等始

紹興三年九月丙

皆本臺所請也

舍人引嫌不草制

紹興初王剛中居正獨員為中書舍人時適當三制一其弟居修改京官二甥壻劉立道除起居舍人三本身磨勘剛中引嫌自言乃命左司郎官周綱權舍人命詞行下其後李舍人誼兼直學士院屬李丞相伯紀辭免潭帥有詔不允而李嘗劾伯紀伯紀免章畧曰當時言路公肆詆誣李亦以為言乃命劉舍人一正草制焉都司行制詞閣下草批荅二事皆東都所未有也先是胡

尚書交修直學士院其姪丞公請祠不許胡當為答詔  
引嫌于朝乃命胡明仲舍人為之遂為故事

舍人草內制

近歲翰苑止雙員淳熙五年學士周洪道為御試詳定  
官直院范致能除參知政事本院闕官得旨遇有撰直  
文字依例權送中書舍人十四年學士洪景廬知貢舉  
直院李獻之出使主待制詔孔目官李植請于朝遂用  
五年例云

檢正讀錄黃

紹興二年十二月韓世忠賞功文字給事中賈安宅除  
部侍郎門下後省闕官乃詔檢正李與權書讀此事亦  
前所未有

密白

舊制樞密院事並過下省乾道元年十二月癸卯言者  
請自今樞密院已被旨文書並關中書門下依三省式  
書黃書讀以示欽重出命之意從之然密院機速事則

不由中書直關門下省謂之密白慶元三年樞密院以  
密白遷補潜邸醫官二人給事中許深父以非舊典爭  
之遂寢其命

給舍不許列御奏事

自元豐分三省中書舍人于制敕有誤許其論奏而給  
事中乃所以駁正中書違失紹興以來間有駁正或給  
事中中書舍人列御同奏乾道五年二月辛亥中書舍  
人汪養源言神宗官制以中書為出令之地而門下審

駁覆正然後付之尚書三省皆置官屬以便相彌縫可否分守甚嚴無碍侵越今給舍列銜同奏則是中書門下混而為一非神宗所以明職分防闕失之意上以為然詔復從舊例

禮官學士爭詔紙

乾道中李仁父為禮部郎中洪景廬直學士院時占城入貢詔學院荅敕景廬引故事乞用金花白藤帑寫詔而仁父上言當從紹興舊例用白藤帑作敕書景廬以

為侵官論奏其事上曰禮官議禮豈可謂侵官近例可  
憑止從紹興可也景廬不懌其后仁父修四朝列傳垂  
就而卒上命景廬續成之景廬筆削舊史乃無完篇蓋  
素不相樂也於是上促進書甚急而新書未畢王稱季  
平以東都事畧來獻遂取用焉或者但見新書疎畧舛  
誤甚多而不知倉卒之間乃不暇考擇也書成進御景  
廬援季平于朝得直秘閣云

### 官告式



自建炎後侍從及宗室南班官遷除始給告大卿監防

御使以下止用黃勅其後以絹代綾羅纈羅代錦

監察御史

以上紹興四年始命職事官監司以上並給告十四年

始用錦其後又詔內命婦及外命婦郡夫人以上乃得

用網袋銷金其餘則否淳熙十三年李叔永昌圖為工

部侍官南郊恩贈其父用賓官私命文思院工閭諒以

銷金綾紙為告陳子榮侍御劾于朝坐落職奉祠

前後官許服紅帶

故事從官不帶待制已上職名而罷者止服黑帶佩魚  
淳熙中王仲行自吏部尚書除端明殿學士知紹興府  
未行以言章奪王仲行朝辭上殿服金帶垂魚而入閣  
門吏止之仲行即解所佩魚閣門猶以為不可乃從小  
吏假黑帶以見仲行殊不平十年十月始有旨權侍郎  
以上罷任不帶職許服金鞋排方黑犀帶仍佩魚自是  
始為定例

紫衫

自軍興士大夫始衣紫窄衫上下如一紹興九年八月甲子詔公卿長吏毋得以戎服臨民復用官帶然迄不行秦會之死魏道弼秉政復舉行之論者以為擾士人貧者尤患苦之未幾道弼為臺諫所攻遂罷政章中數事此其一也于是紫衫既廢士大夫皆服涼衫乾道中李獻之為學士為上言會聚之際顏色可憎今陛下上奉兩宮宜服紫衫為便上從之蓋渡江以來人情日趨簡便不可復故矣

國卹服涼衫

孝宗之喪趙子直當國始令羣臣服白涼衫皂帶以治  
事逮終喪乃止論者以為是及光宗之喪禮部侍郎陳  
宗召復請百官以日易月禪除畢服紫衫皂帶以治事  
從之

渡江後賜墓碑額

渡江後大臣未有賜墓碑額者紹興初上始書韓文定  
神道曰世濟厚德之碑其後得此賜者亦不多秦丞相

父清德秦丞相決策元功陳文恭旌忠楊和王安民定

興德劉忠顯旌忠吳信王安民保蜀韓蘄王中興佐命史

太師純誠厚周益公忠文

大臣諡之極美者

大臣諡之極美者有二本勲勞則忠獻為大論德業則

文正為美有國二百年諡忠獻者才三人趙韓王韓魏

王張魏公是也諡文正者亦才三人王沂公范汝南司

馬溫公是也其品可知矣李司空王太尉皆諡文貞宣

政間蔡卞鄭居中亦諡文正終不足錄渡江後秦惠諡忠獻寔博士曹冠為之

定諡不許更易

慶元來京丞相薨賜諡文穆既而其子沆請避家諱改文忠于是言者以為楊億巨儒既諡曰文議者欲加一忠字竟不之與夫加一字猶不可况諡以二字又欲極美乎望勅攸司自今議謚務當其寔其或不然當准古法以選舉不寔論若定諡已下其子孫請再更易者以

違制論從之

渡江後改諡

渡江後公卿諡號王仲言揮麈錄有之但殊脫畧今不能盡記記其更易者韓師朴丞相初請諡王剛中為博士曰文禮諡法奉議順曰禮取其為禮官時不主王荊公坐講

之議也而韓氏子謂自來未有以禮為諡者以白時相范覺民覺民語剛中剛中不為改于是用吏部覆議改為文定左選侍郎李長民京東帥曾李序之死博士錢葉諡曰

剛愎執政嫌之乃改威韓都尉嘉彥之請諡也博士華  
權定為夷節而方庭實在考功以端節易之司馬侍郎  
朴之賜諡也博士林彥宗定以忠肅而張敬夫在吏部以  
忠潔易之四者皆于諡未定之前更易者也代州王忠  
植之死事也太常諡為義節而秦丞相以無忠字疑之  
再令別議太常謂若以忠為諡則子孫誦之非易名之  
義遂已孝宗初立命有司為岳飛作諡太常議危身奉  
上曰忠使民悲傷曰愍孝宗以為用愍則于上皇為失



政却之乃改為武穆此二者皆于諡以定未下之前有所退却者也劉莘老丞相初諡正肅當矣而正字犯丞相父名為忠肅趙崇公叔寓初諡敦簡美矣而敦字與光宗御名同音其曾孫德老請于朝改諡清簡此二者皆出于諡號已下之後然迫于名諱不容不避者也蓋自紹興至淳熙六十餘年之間改諡纔六七皆有所為非京丞相之比矣張參政初諡文定汪聖錫為吏部尚書駁之乃改章簡後其孫貴竟復諡文定焉



建炎雜記甲集卷九

欽定四庫全書

建炎雜記甲集卷十

宋 李心傳 撰

官制一

丞相 總論建隆至乾道相名更易

丞相秦官也自漢末改為大司徒歷代不能正國初循唐制以三公至曹侍郎同平章事為宰相首相帶昭文館大學士亞相帶監修國史末相帶集賢殿大學士神

欽定四庫全書

宗新官制于三省置侍中中書二令虛而不除以尚書左右僕射兼門下中書侍郎為兩相然中書揆而議之門下審而復之尚書承而行之則是首相不復與朝廷議論矣慶元初司馬公相乃請令三省合班奏事分省治事自紹聖以後皆因之時議者謂門下相凡事既同進呈則不應自駁已行之命是省審之職可廢也政和時蔡京以太師總領三省號公相乃廢尚書令改侍中中書令為左輔右弼亦虛而不除改左右僕射為太宰

少宰仍兼兩省侍郎靖康中何文縝將拜相夜夢神持  
弓矢射中其僕乃先乞復太少宰為僕射吳正仲當制  
請更為丞相不從建炎三年呂元直初相議者請三省  
為一于是元直解中書侍郎改同中書門下平章事乾  
道八年孝宗稽古改左右僕射為左右丞相去侍中兩  
令之名遂為定制云

御營使

御營宿衛使

御營使者建炎元年六月始命宰相李伯紀為之本以

行幸總齊軍中之政其後遂專兵柄樞密院幾無所預  
呂元直在位專恣尤甚臺官趙元鎮等以為言元直遂  
免時議者以為宰相之職無所不統本朝沿五代之制  
政事分為兩府兵權付于樞密本年又置御營使是政  
出于三也請罷御營司以兵權付之樞密院而以宰相  
兼知庶幾可以收兵柄一賞罰節財用四年六月甲戌  
遂以宰相范覺民兼知樞密院事罷御營使及官屬以  
其事歸密院為機速房焉

御營使一員或二人以宰相  
兼副使一員以執政官兼參

贊軍事以從官兼提舉一行事務以大將兼其將佐有都統制一員及五軍統制已下官紹興三十一年金海陵入寇上將臨江視師其冬以和義郡王楊存中為御營宿衛使寇平復免明年孝宗即位又以御營使命之然但自名一司掌殿前忠勇等軍非復建炎之比矣

都督軍馬

同都督

都督古官也晉宋間有之唐以後不置紹興初呂元直復相謀進取秦檜亦欲奪其權乃共議令元直以左僕



射都督江淮荆浙諸軍事置司鎮江元直覺之遽歸而命孟富文以參知政事權同都督已而落權字四年趙元鎮自知樞密院事為川陝宣撫處置使元鎮以與吳玠共事為嫌乃改都督川陝荆襄諸軍事五年春元鎮與張德遠並相遂帶兼都督諸軍馬入衛七年秋德遠將罷先廢都督府隆興初德遠再入乃命以樞密使都督江淮軍馬焉二年德遠去位都督府復廢其秋赫舍哩志寧入寇詔湯進之以左僕射為之進之逗遛不行

乃命王瞻叔以參知政事為同都督瞻叔亦乞免于是  
遂命和義王楊存中代為都督府非宰相而為都督自  
存中始

都督行府

張魏公之初為都督也以行府為名凡事干朝廷則關  
三省樞密院孟富文時在政府大不平曰三省密院乃  
奉行行府文書耶因稱疾求去隆興初魏公再為都督  
時宰相陳魯公湯慶公皆主和議故朝廷所行多與都

督府異魏公乃言臣節制江淮軍馬其進退調發當從督府取旨施行近日主兵官及師守監司輒以軍期事務徑申朝廷已而劄下依本府指揮仍取責當行人軍令狀外謹具奏知上曰豈有不申朝廷之理十月辛巳乃詔江淮軍馬調發應援都督府取旨施行其餘事務並令申奏如舊

督視軍馬

督視軍馬者紹興三十一年冬十一月葉審言始以知

樞密院事為之朝議以審言非相臣故其名下都督一  
等蓋不考趙豐公故事失之也隆興初張魏公既為江  
淮都督乃命汪明遠澈以參知政事督視湖北京西軍  
馬馬其方城失守汪謫台州遂拜令魏公督之

制國用使

同知國用事

制國用使舊未有隆興初言者請法有唐之制命宰相兼  
領三司使職事財穀出納之大綱宰相領之于上而戶  
部治其詳上是之命秘省討論來上乾道二年冬遂命

宰相兼制國用使參知政事同知國用事五年二月戊申  
罷國用司八年正丞相官名夏四月詔丞相事無不統  
所有兼制國用事與參知政更不入銜云

參知政事

參知政事自太祖朝始置元豐官制改為門下中書侍  
郎尚書左右丞建炎三年合三省之政于是李漢老自  
尚書右丞改除參知政事復舊制也故事丞相謁告則  
參預政事之臣例不得進擬差除惟丞相夢錫罷上未

得人則參知政事行相事多不踰年少者才旬月獨淳熙初葉夢錫罷相龔寔之行丞相事近三年言者以為懷私擅政遂有英州之禍焉

### 樞密使

樞密使自唐以來率二員並用魏仁浦吳延祚並為之國初仁浦拜集賢相自是止除一使至太平興國初曹武惠彬楚景襄昭輔始復並用後未有繼之者及真宗時以王文穆陳文忠並為樞密使由是遂為故事迄仁

宗不改英宗地平四年文忠烈呂惠穆並用神宗熙寧

五年文忠烈陳秀公並使樞庭用此故事高宗紹興十年

張循王

俊

韓蘄王

世忠

既罷兵乃並除樞密使十二年

張循王猶在位時以孟信安王

忠厚

為山陵使乃亦暫

拜樞密使焉渡江後元樞並除蓋有所為也

### 知樞密院事

知樞密院事太宗淳化二年始置以張遜為之然使與

知院未嘗並除熙寧元年文潞公呂宣徽為使陳秀公

自會稽召為知院非故事也元豐官制行廢樞密使故政和末鄧萃公官至少保猶止為知院焉其後鄭居中蔡攸童貫之徒既位三公乃更領樞密院事紹興七年秦申王為使沈忠敏自同知遷知院事蓋張魏公既荐秦相未欲其與已並又以故相不可除他官乃先白高宗降旨以本兵之地事權宜重依祖宗故事置樞密使而知院同知院亦皆仍舊由是並除自後則否

樞密副使



祖宗故事樞府置使則除副使置知院則除同知院淳  
化二年太宗既以張遜知密院于是寇忠愍溫恭肅皆  
自副使改同知院事康定元年仁宗用晏元獻公為樞  
密院使於是王鄧公杜正獻鄭天休皆自同知改除副  
使自後皆然元豐末廢副使渡江後秦申王首復除樞  
密使王敏節副之既而張韓二大將並除樞密使岳武  
穆副之合故典矣近歲張魏公注明遠虞并父王公明  
王季海周洪道王謙仲趙子直繼除樞密使而其副止

稱同知蓋相承之誤

簽書樞密院事

簽書樞密院事太平興國四年置是時石元懿公以兵

部員外郎充樞密直學士止用本官職簽自是初除皆

帶密直及罷乃拜端明殿學士焉

太宗至真宗朝文臣簽樞才五人其四人

還樞副張文定以本官罷至神宗時曾令紳以憂去免喪乃除端明元祐後王彥霜劉仲達皆以端明罷遂為故事  
元豐官制廢簽樞其後童貫以使相為之以貫官至

三司乃更為領院事靖康初李參政回首拜延康殿學

金史卷之四十五  
卷十  
士簽書延康今爲端明自是遂爲故事

同簽書樞密院事

同簽書樞密院事自郭宣徽後不置明受末李漢老鄭致剛嘗並拜未及謝而上反正李遷右丞鄭落同事紹興九年王倫交割地界亦命帶焉其後不復置隆興末虞雍公一爲之

陞朝官除簽樞

簽書樞密故事有以員外郎爲之而無三丞以下爲之者

元祐初王彥霖以承議郎龍圖閣待制除受乃除遷朝  
奉郎建炎初張全真富季申皆自奉議郎御史中丞除  
簽樞亦用此制靖康二年曹忠達輔紹興十四年李資  
政文會皆以陞朝官為之曹承議郎蓋中書失之而舍  
人無正之者李奉議郎

樞密參用文武

張說本末

自建炎以來樞密使副參用文武仁宗親政以後但除  
夏守斌王貽永王德用狄青數人英宗朝郭逵一人而

已元豐改官制武臣不為二府政和末始命童貫簽書  
河西北面兩房事後遂領院事焉靖康用兵乃除种忠  
憲師道建炎中復除王襄愍淵時苗傅等不平遂有明  
受之變自是武臣不復典樞密矣紹興九年秦丞相將  
罷三大將兵柄乃以樞密使副授之蓋自童貫後皆因  
事用人非常典也乾道七年張說為明州觀察使樞密  
都承旨說娶壽聖皇后女弟上厚眷之時為政乃除說  
簽書樞密院事制下朝論闕然說辭不果拜遂以安慶

軍節度使還第馬踰時復以是命之說亦不辭又踰年  
遂進知樞密院事淳熙元年秋罷爲太尉尋降觀察使  
居撫州三年冬許自便七年秋卒上念之詔復承宣使  
陳給事峴封還錄黃乃止說子薦文州刺史說敗亦貶  
彬州葭明觀察使

外戚典樞密

祖宗盛時率用外戚典兵馬而無樞使者惟慶厯中王  
鄧公貽永以主壻爲之然議者不以為忝元祐中韓文

定在樞筦其弟端節既選尚爲臺諫所攻旋亦罷去紹興初樞密都承旨闕執政請以保靜軍承宣使謝煥爲之煥懿節后父也旨朕不欲戚里任朝廷官乃不許上受禪韓平原侂冑自知閣門事除承旨亦固辭自請

奉祠云

紹興中孟仁仲使樞密蓋以典山陵故事已即罷

### 樞密院屬

樞密院屬官舊有都副承旨以武臣爲之編修官二員以文臣爲之熙寧中始以文臣爲都承旨元祐後又詔

恩數如權侍郎紹聖初廢高宗在會稽武臣辛道宗為

都承旨頗用事紹興初道宗既免乃詔用兩制為之

元年

十二月然但聞用一二人而已淳熙中王抃用事久考

丙寅

宗惡焉遂復士人今上初立薛象先以戶部侍郎兼都

承旨何自然以為非祖宗成憲斥去之建炎中又用元

豐故事置檢詳一員祿賜與都司外郎等

三年六月庚午

時御

營司既廢密院置幹辦官四員既而以其名不雅馴改

為計議官在編修官之上

建炎四年十一月乙卯

紹興十一年始



金史卷之八十一  
省四月  
庚寅

三省樞密院賞考司

建炎初李伯紀為政始于三省樞密院置賞功司呂元直  
初相遂省之及范覺民以宰相兼樞密院乃于樞密置  
機速房紹興二十九年又罷辛巳用兵復置乾道六年  
始罷凡錢糧事歸三省邊防兵政歸密院焉

拾遺補闕

拾遺唐官也太宗以正言司諫易之淳熙十五年正月

兵部侍郎林栗言國家累年以來宰執百寮職無虛位御史三院亦不乏人獨諫諍之官尚有闕員居其位者往往分其御史之職至于箴規闕失寂無聞焉原依唐制置拾遺補闕左右各一員皆三年爲任仍加訓諭官以遺補爲名不任糾彈之職孝宗從之以許深夫薛象先充其職班著監察御史上請給之人從依監察御史例光宗立復省

直學士院

權直學士院

直院翰林權直

行宮直院學士權

直學士院自開寶二年盧丞相

多遜

始權直學士院自

開寶六年張舍人

澹

始翰林權直自乾道九年崔舍人

敦詩

始學士院權直自淳熙五年崔舍人

敦詩

始國朝

故事率以從官兼直院若左右史少卿監之類則止稱

權直院焉近歲崔大雅以樞密院編修官趙大本以校

書郎陳內翰宗召以著作佐郎兼直蓋特命也紹興末

高宗視師建康時何內翰

溥

屬疾不能從而直院虞井

父使兩淮乃命唐立夫以起居郎兼行宮直院車駕還

復省

庶官兼侍讀

故事經筵官自兩省臺端以上兼侍講若大卿監以下則止兼崇政殿說書元祐中司馬公休以著作佐郎兼侍讀時朝議以文正公之賢故有此命乾道末張敬夫以吏部員外入侍經幄用公休故事亦兼侍講焉自改官制後庶官非二史而兼侍講者才數人范純甫司馬

公休張敬夫是

國朝經筵非進士出身者三人吳傳正呂源明張敬夫

翰林講讀學士

翰林講讀學士真宗朝始置元豐官制去翰字及學士名元祐復之以命蘓子瞻趙元考而已渡江後獨范元長常一爲之

史館專官

陸務觀本末

自真廟以來史館無專官神宗嘗欲付曾子固以五朝史事乃命爲史館修撰使專典領其事子固所草俱不當神宗意書不克成孝宗修五朝史而列傳久未畢遂

召李仁父洪景廬踵爲之皆奉京祠不兼他職者數年而史始畢乃自開院至成書凡二十有八年秉筆者百有餘人時景廬請通修九朝正史上許之景廬復言制作之事已經先正名臣之手是非褒貶皆有据依乞命後來史官無得輒將成書擅行刪改然書未就而景廬去國淳熙末修高宗實錄但以他官兼之至紹熙末年而功未及半陳君舉直學士院建請以右文殿秘閣二修撰并舊史館校勘三等為史官自校勘供職稍遷

秘閣修撰又遷右文殿修撰在院三五年如有勞績就對庶幾有專官之効無冷局之嫌然亦不克行明年但增檢官三員而限一年畢其後又七年而高錄始成時當修高宗正史孝宗光宗實錄朝論覺無專官始外召傅景仁陸務觀爲在京宮觀免奉朝請令修史于是務觀還政久矣乃落致仕以爲同修國史兼實錄院同修撰焉務觀山陰人時年七十有八

提舉秘書省

提舉秘書省者官制以來無之政和初制以命蔡攸其  
後秦伯陽繼居是任紹興末高宗召信安孟王忠厚爲  
醴泉觀察使乃命提舉秘書省以寵之月過局如宰執  
例孟王薨亦省

### 提舉太史局

提舉太史局者舊率以近臣兼之熙豐間司馬公王和  
甫繼居是任後不復置紹熙五年十月復置以命薛象  
先明年何自然以非舊典爲言遂罷去蓋務反趙子直



之政而詳考也太史局日官舊止于五官正孝宗時始增春夏秋冬中五官大夫

### 六院官

六院官檢鼓糧審官告奏進也例以京官知縣有政績者為之亦有自郡守除者則繼即除郎如鹿伯可是也故恩數略視職事官而不入雜壓紹興十一年胡如明以料院除監察御史遂遷副端乾道後相繼入臺者有宋敦書蕭之敏陳升卿傅淇等數人而六院彌重號為

察官之儲矣淳熙初龔寶之秉政其內弟林宓幹辦審計司遇郊恩而林上京秩乃白上以六院官班寺監承之林用事得封贈父母龔後爲謝朗然所糾而南竄此其一事也紹興二年夏六院官始復入雜壓在九寺簿之下焉

五月庚戌降旨

### 環衛官

環衛官者唐有之領宿衛兵若今之三衙祖宗時其官不廢然無職事但以處藩師代還及宗室除拜而已元

豐官制改外臣皆不除惟宗室則如故隆興中孝宗始

命學士洪景嚴等討論故事因復制以授武臣其法正

任除上將軍

承宣使至刺史為正任

遙郡大將軍

皆以官領刺史至承宣使為遙

郡正使除將軍

武翼大夫以上是也

使臣以下左右郎將

訓武郎以下

皆有添給及從人而無職事若除管軍則解或領閤門

皇城司之類則仍帶焉惟戚里子弟不除是時李太尉

顯忠首除左金吾衛上將軍上諭湯慶公曰此文臣館

閣耳平時在環衛中庶見得人才近歲郭太尉果自右

驍衛郎將受知孝宗以本官職事不二三年遂至邊帥矣迄至環衛官皆爲戎師之儲云

內侍兩省

入內內侍省皆宦官之職也舊號前後省紹興三十年九月以前省無職事廢之今入內內侍省此舊後省也吏額三十五人分五房所掌內殿引對羣臣發金字遞收接邊奏賜臣寮到闕茶藥新除執政御史中丞支賜宗室節度使以下夏葛藥春旛勝新火喜雪御筵每月


奉香表往殯宮忌辰酌獻看經設獄太廟薦新并奏告  
差宮闈令太禮執事并王進袞冕祈禱降御封香車駕  
行幸差官應奉人使在道及到闕燕賜宣召學士及試  
一行事務聖節宰臣以下齋筵皇太子等乳香執政官  
酒果辨驗迎奉到御容賜蕃夷晏大朝會差應等官皆  
其職也其官有都知副都知押班等名渡江後又掌藏  
金國誓書及八寶內東門司內侍省屬也掌機密門戶  
合同憑由司掌御前及宮禁取索金帛御藥院掌應奉

禮儀衣服湯藥舊制內侍御誕節許進子十二試以墨義即中程者候三年引見供職紹興三十三年冬張真甫爲殿中侍御史以宦者員衆爲上言之孝宗曰朕有此意久矣祖宗時止許一人進一子朕意欲依祖宗法真甫奏事畢旨言此曹人多則黨盛今人數已不少若平時無事猶可設使當母后少主之時豈不能爲禍漢唐之事是已遂命內使省開具見在人數聞奏元年會慶節權免進子于是定以二百人爲額焉

閣門

閣門者左列之清選也舊時有知閣門事同知閣門事多以外戚勲貴人為之其下又有閣門宣贊舍人乃掌贊唱書命閣門祇候掌侍衛班列于乾道間孝宗始訪昔時儒臣館閣之制度乃增置閣門舍人以待武舉之入官者先召試而後有命又許轉對如職事官供職滿二年者與其邊郡遂為戎帥部刺之選云近歲熊提刑飛譙知閣門熙載姜節使特立之進皆自此階故

武臣以舍人爲清要紹熙之初蔣介有召試之命葛楚  
輔丞相言介武舉第一人乞免試上從之  
二月九日  
丁卯降旨





建炎雜記甲集卷十